

Ն. Ա. ՕՐՐԵԼՈՒ ԷՒՇԱՏԱԿԻՆ ԵՎԻՐՎԱԾ ԳԻՏԱԿԱՆ ԵՈՒՏԱՇՐՋԱՆ

1971 թ. դեկտեմբերի 8—9-ին Երևանի Աշխատանքային կարմիր դրոշի շքանշանակիր պետական համալսարանի պատմության ֆակուլտետի դեկանատի, հնագիտության, աղբյուրագիտության և ազգագրության ամբիոնի նախնականության տեղի ունեցավ գիտական նըստաշրջան՝ նվիրված սովետական ակադեմիկոս արևելագետ, ակադեմիկոս Հովսեփ Արղարի Օրբելու հիշատակին:

Գիտական նստաշրջանը բացեց պատմության ֆակուլտետի դեկան, դոցենտ Ն. Ա. Պետրոսյանը: «Ն. Ա. Օրբելու կյանքն ու գործը» զեկուցմամբ հանդես եկավ պատմական գիտությունների դոկտոր, պրոֆեսոր Կ. Գ. Ղաֆազյանը: Նա նշեց, որ Ն. Ա. Օրբելին իր գիտական գործունեությունը սկսել է դեռ 1906 թ.՝ Պետերբուրգի համալսարանում ուսանելու ժամանակ, երբ իր ուսուցիչ՝ Ն. Մառի ղեկավարությամբ սկսեց մասնակցել Անիի պեղումներին: Հետագայում՝ 1917 թ. նա Անիի մասին գրեց կարևոր աշխատություններ, 1911—1912 թթ. Օրբելին եղավ Արևմտյան Հայաստանում, ուսումնասիրեց Ախթամարի տաճարը, մոկաց բարբառը, զբաղվեց քրդագիտությամբ, 1916 թ. հայտնաբերեց ուրարտական 400 տողանոց տարեգրությունը, 1936 թ. ղեկավարեց Ամբերդի պեղումները:

Զեկուցողը կանգ առնելով գիտության մեջ Ն. Օրբելու կատարած առաջնության վրա, նշեց, որ 1911 թ. Պետերբուրգի համալսարանի երկու ֆակուլտետներն ավարտելուց հետո, 1913 թ. նա հանձնեց մագիստրոսական քննություններ, 1919 թ. հաստատվեց Պետերբուրգի համալսարանի պրոֆեսոր, 1920 թ. նշանակվեց Պետական էրմիտաժի բաժնի վարիչ, իսկ 1934 թ.՝ ընդհանուր դիրեկտոր: 1924 թ. Ն. Ա. Օրբելին ընտրվեց ՍՍՀՄ ԳԱ Բղթակից-անդամ, իսկ 1934 թ.՝ իսկական անդամ:

Մինչև իր կյանքի վերջը (1961 թ.) Օրբելին օգնում և ուղղություն էր ցույց տալիս Հայաստանի հնագետներին: Նա խոշոր վիճաբանագետ էր: Իր ուսուցիչ Ն. Մառի հետ նա հիմնդրեց հայերեն վիճագրությունների գիտական հրատարակությունը: Ն. Ա. Օրբելին մեծ արևելագետ էր և Սովետական Միության ճանաչված

հնագետ: Նա միաժամանակ զբաղվում էր վրացագիտության, իրանագիտության և Կովկասյան Աղվանքի հարցերով:

Նրա խմբագրությամբ և առաջարկով լույս տեսան «Սասունցի Իսվիթ» դրուցազնագրության համահավաք հայերեն բնագիրը և ռուսերեն թարգմանությունը, «Ընձենավորի» ռուսերեն թարգմանությունը: Ն. Ա. Օրբելին ղեկավարեց Ֆիրդուսու, Ալիշեր Նավոյի, Նիզամի հորելյանների համամիութենական տոնակատարությունները և աշխատություններ գրեց նրանց մասին:

Լինելով աշխարհի խոշորագույն թանգարանագետներից մեկը, նա մեծ ջանքեր ներդրեց էրմիտաժի մեծացման ուղղությամբ, որի շնորհիվ այն պատկերասրահից վերածվեց աշխարհահռչակ կուլտուր-պատմական թանգարանի:

Ն. Ա. Օրբելին հայ արվեստի և ճարտարապետության մեծագույն գիտակներից էր: Մեծ է նրա դերը Հայաստանում գիտության զարգացման և հայագիտական բարձրակարգ կադրերի պատրաստման գործում: Նա էր ղեկավարում ՍՍՀՄ ԳԱ հայկական բաժանմունքը, իսկ 1943 թվականին դարձավ Հայաստանի նորաստեղծ գիտությունների ակադեմիայի առաջին պրեզիդենտը:

Անգնահատելի են Հայրենական մեծ պատերազմի տարիներին էրմիտաժի կուլտուր-պատմական գանձերը կործանումից փրկելու համար Ն. Ա. Օրբելու մատուցած ծառայությունները:

Օրբելին սովետական ժողովրդին և գիտությանը մատուցած մեծ ծառայությունների համար պարգևատրվել է Լենինի երկու շքանշանով:

Այնուհետև «Ն. Ա. Օրբելին Շիրակացու «Քրնդրագրքի» թարգմանիչ և մեկնաբան» թեմայով զեկուցմամբ հանդես եկավ պրոֆ. Ա. Գ. Արուստամյանը: Նա նշեց, որ Ն. Ա. Օրբելին առաջին անգամ գրաբարից ռուսերեն է թարգմանել Ա. Շիրակացու «Քնդրագրքը», մեկնաբանել և ըստ պատշաճի զնահատել այն: Նա իր արժեքավոր թարգմանության առաջարկում ցույց է տվել Շիրակացու առանձին խնդիրների մեջ արժարժեքավոր հարցերի կարևորությունը սոցիալ-տնտեսական և քաղաքական առումով, ինչպես նաև կոաչել, որ «Քնդրագրքին» պետք է նախորդած

լինելը Բվարանական շորս գործողությունների աղյուսակը, որը լիովին հաստատվեց հետագայում:

Դոցենտ Պ. Մ. Սուրաշյանը զեկուցեց «Հասարակական և ֆարմացիայի գիտություններ» նորահայտ պատահական թեմայով: Զեկուցողը ընդգծեց, որ ֆարմացիայի գիտությունները հայտնի ամենահին ծնողները 1672 թ. ընդգրկված թվում է: Մյուս պատմիչների գործերի նման՝ ֆարմացիայի երկը և շուրջ 1100 տարվա ընդգրկված թվում է, խմբագրվելու և այլ փոփոխությունների ենթարկվելու: Բնագրի պատահական կամ հատկապես նրան բերելն է, որոնք ավելի քիչ են այլափոխված: Այդ առումով մեծ հետաքրքրություն է ներկայացնում լեհիկաբարդի հայկական ձեռագրական հավաքածուի զբաղված ֆարմացիայի գիտությունները: Մի շարք լեհիկաբարդի գիտությունները «Հասարակական և ֆարմացիայի գիտություններ» XI դ. դրույթները մեկ թերթի, որի ուսումնասիրությունից պարզվում է, որ այն ֆարմացիայի մեզ հայտնի տեքստի համեմատությամբ ունի կարևոր տարբերություններ, որոնք կան նպաստ են բերում տեքստի քննության և հետագա ընդհանրացումների օտարմանը: Պատահիկը ուշագրավ նորություններ է ընձևում նաև հայոց լեզվի բառապաշարի առումով:

Բանասիրական գիտությունների թեմայով Ս. Ա. Ավագյանի զեկուցումը նվիրված էր «Հակա հարկային տերմինը վիճակական արձանագրություններում» թեմային: Զեկուցման մեջ ի մի բերելով այդ տերմինի բոլոր վիճակայինությունները, զեկուցողը ճշգրտեց դրանց ընթացումները և վերծանումները, ըստ ամենայնի պարզելով իմաստները: Մի շարք դեպքերում նա առաջարկում է հակ բառով հակային տերմինների նոր ընթացումներ և մեկնություններ, որոնք զգալի շահով տարբերվում են նախորդ բացատրություններից (օրինակ, զեմեթերահակ-ի վերծանությունը կոթավանքի արձանագրության մեջ):

Զեկուցողը իրավացիորեն նկատեց, որ «Հակա բառի և նրանով կազմված տարբային մյուս անվանումների մեկնությունը կարևոր նշանակություն է ստանում միջնադարյան Հայաստանի սոցիալ-տնտեսական իրավիճակի պարզաբանման համար, մանավանդ որ սկզբնաղբյուրներից այդ մասին քիչ բան կարելի է իմանալ:

Արթիկի դամբարանադաշտի ժամանակագրական սամանների որոշմանն էր նվիրված դոցենտ Ս. Հ. Սարգսյանի զեկուցումը:

Դոցենտ Յ. Կ. Մկրտումյանի զեկուցումը նվիրված էր «Հայ պատմա-ազգագրական առլապին» և ժողովրդական մշակույթի ուսումնասիրման գործում նրա դերին: Նա ցույց տվեց, որ «Հայ պատմա-ազգագրական առլապին» նպատակ է կոնկրետ նյութերի մանրակրկիտ հավաքման, սխտեմավորման և ամփոփման հիման վրա արտացոլել մեր ժողովրդի կենցաղը, նյութական և հոգևոր մշակույթի տարրերը, նրանց լայն ու ներկայի, բացահայտել հայ ժողովրդի էթնոկական ինքնատիպությունը, սամանները առանձին ազգագրական երևույթների տարածման արմատները և ի հայտ բերել պատմականորեն ձևավորված տեղական առանձնատիպությունները:

Մոխրարլուրի պեղումներին նվիրված զեկուցմամբ հանդես եկավ ասպիրանտ Կ. Ե. Արեշյանը: Նա նշեց, որ պեղումներից հայտնաբերված բազմաթիվ առարկաներ լույս են սփռում Հայկական լեռնաշխարհի հնագույն բնակիչների նյութական և հոգևոր մշակույթի բազմաթիվ կողմերի վրա: Նա Մոխրարլուրի հնագույն շինարարական շերտի հիմնադրումը թվագրեց մ. թ. ա. IV հազարամյակի վերջով, կամ IV—III հազարամյակների սահմանագլխով, իսկ վերին շերտը՝ ոչ ուշ քան մ. թ. ա. XXIII դարով:

Նստաշրջանի վերջում եզրափակման խոսք ասաց հնագիտության, աղբյուրագիտության և ազգագրության ամբիոնի վարիչ, պրոֆ. Ա. Գ. Աբրահամյանը:

Ա. Ի. ՇԱՀՆԱԶԱՐՅԱՆ